


دار الفنون الکتابیات و کتب و کتب و کتب

تاریخی ، اجتماعی ، دینی ، فلسفی

آگستوس - ۱۹۲۸



نہزادہ بانٹی اوقاف مطبعہ سی

۱۹۲۸

سامی دینلرده قربانك ماهیت و فعالیت

۲

وجوه (حضور) اتمکی سفره سی :

قدیم رومالیلرده کی Lectisternia سفره سیله عبرانیلرک الوهیت حضورینه وضع ایتدکلی بیک سفره سی یعنی حضور اتمکی سفره سی یکدیگرینه چوق مشابه در . اساساً الوهیت بویه سفره لر تقدیمی طالمشمولدر . موسی شریعتدن اولکی آیینلرده موجود اولان بو عملی ، رهبانی مجله نك ساده جه رسماً قبول ایتمش اولدینی محقق در .

حضور اتمکی سفره سی منسکه نظراً شویله اولمالیدر : « ... واوزونلی ایکی واکلی بر ویوکسکلکی بریحق زراع اولان سنط آغاچندن برسفره یاپاسین . و آنی خالص آلتونله قابلا یوب اطرافقه بر آلتون پرواز یاپاسین . آنک اطرافقه درت پارمق اکنده بر کنار یاپاسین وکنارک اطرافقه بر آلتون پرواز یاپاسین . آکا درت آلتون حلقه یابوب حلقه لر درت آیاغنده بولونان درت گوشه یه قویاسین ، حلقه لر کنارک باننده اولوب سفره یی طاشیمق ایچون قوللره خانه اولالر . قوللری سنط آغاچندن یابوب آنلری آلتونله قابلا یاسین و سفره آنلر ایله کوتورولسون و آنک تسیلرینی و بجزور قابلرینی و مشروبات تقدیمه سی ایچون کاسه لرینی و طاسلرینی یاپاسین . آنلری خالص آلتوندن یاپاسین » (خروج ، یکرمی بشنچی باب ، ۲۳-۲۹) حضور اتمکی بویه برسفره یه هر جمعه ایرتسی کونی بوجه آنی صورتده وضع ایدیلیر : « خاص اون آلوب آندن هر پیده ایکیشر عشر اولارق اون ایکی پیده پیشیره سین ، آنلری هر بر صره ده آلتیشر اولارق ایکی صره ایله ربک حضورنده طاهر سفره اوزرینه قویاسین ، اتمک اوزرینه تذکار ایچون ربه قربان اولمق اوزره هر صره نك اوزرینه صافی کونلک قویاسین ، آنلری ربک حضورنده بی اسرائیل طرفندن ابدی عهد اوزره هر سبت کونی (جمعه ایرتسی) دائماً ترتیب ایتسون » (لاویلور ، یکرمی درنجی باب ، ۵-۸) .

حضور اتمکی ، یهووا حضورینه آنجق ملاقات چادیرنده بر آز اول عرض ایله دیکمز کی وضع ایدیلیر : « حضور اتمکی دائماً حضور مده سفره نك اوزرینه قویاسین » (خروج ، یکرمی بشنچی باب ، ۳۰) . برنجی ملوکک آتیده کی فقره سی حضور اتمکی عملمنک اسرائیلده

اسکی بر مؤسسه اولدینی اثبات ایدر : « ... بونک اوزرینه کاهن آکا مقدس اتمکی ویردی . زیرا اوراده ربک حضورندن آلدینی کونده تازه اتمک قونیلماسی ایچون قالدیریلان حضور اتمکندن ماعدا غیر اتمک یوقدی » (۱ ملوک ، یکریمی برنجی باب ، ۶)

بویله تقدمه لک صورت استهلاکی هر نه قدر کاسکی مجله ده صراحتاً تعیین ایدیلهمش ایسه ده ، الوهیتک منلاری اولق حسیله رهبان کذلک برنجی ملوکک نظرأ هر طاهر اولان کیمسه استفاده ایده ییلیردی . مع هذا عبرانی آئینده یمککک رهبانه عائد عوائد اولدینی آشکاردر : « ... آنلری ربک حضورنده نی اسرائیل طرفندن ابدی عهد اوزره هر سبت کونده دائما ترتیب ایتسون ، بودخی هارون ایله اوغلرینک اولوب آنی مقدس مقامده ییسونلر ، زیرا بوربک قربانلرندن اولوب ابدی فریضه اوزره آکا قدسدر ، (لاویلور ، یکریمی دردنجی باب ، ۸-۹) .

قدیم زمانلرده ، رهبان ، بو اتمککری حق بمضاً لایققره ، یعنی طاهر اولان هر کسه ویرمیلیرلردی : « ... شیمدی یانکده نه وار ، اله بش اتمک یا باشقه نه بولتور ایسه ویر دیدی . کاهن ایسه داووده جواباً یانمده عادی اتمک یوقدر . یالکز مقدس اتمک وارددر . هیچ دکسه اوشاقلر ، قاریلردن صاقمشلرایسه ییسونلر دیدی . داوود دخی کاهنه جواب ویردی . حقیقتاً بن چیقالدین بری شیمدی اوچ کون اولوب قاریلر دخی بزدن آیریدر . اوشاقلرک قابلری پاکدر . بو اتمک دخی عادی صایلا ییلیر . خصوصاً بو کون قابلرده غیریسی تقدیم اولونه جق دیدی . بونک اوزرینه کاهن آکا مقدس اتمکی ویردی . زیرا اوراده ربک حضورنده آلدینی کونده تازه اتمک قونیلماسی ایچون قالدیریلان حضور اتمکندن ماعدا غیر اتمک یوقدی ، (۱ ملوک ، یکریمی برنجی باب ، ۳-۶) .

بویله سفره لر بابلده دخی Bel بویوک معبدینه تقدیم ایدیلشدر . معبود Bel ایله اژدرها منقبه سنه بر قیمت ویریلیر ایسه الله ایچون احضار اولنان بویله سفره لری اللهک بالفعل یدیکسه بابلده دخی عمومیتله اعتقاد ایدیلش اولدینغه حکم اتمک لازم کلیر [۱] . بالطبع الوهیه تقدیم ایدیلن یمککری رهبان یدیکی صاقلانهرق بالذات اللهک یمککده اولدینی حس ویریلیردی .

عینی نوعدن تقدمه نک عربستانده ده ابدائی شکلی کوروپورز : عابد کندی صاحیله

[۱] E.B. taylor ، سالف الذکر اثر ، ایکنجی جلد ، ص ۳۸۰

کذا Lagrange ، سالف الذکر اثر ، ص ۳۸۱-۳۸۳

قاریشدریدنی یمکی « الاقصر » الوهیتی صنمی اوکنه آووج طولوسیمله آتیور . دیگر عرب تقدملرنده یعنی بغدادی و آربه تقدملرنده دخی عینی صورتله حرکت ایدلدیکی محتملدر . فی الحقیقه کورجین ، مکده دخی مقدس برحیوان اولدیغندن مروده بولنان اسافی صنمنه « مطعم الطائر » تلقیب ایدیلسی ، اللهک حضورینه موضوع حیوانی قربانلردن زیاده مشابه یمک تقدملریتی تعیین ایتدیکی معناده آکلاشیلماایدیر . مع هذا ، بولدکه بولتبی ، عربلرک هر فضیلت فوقنده تالق ایتدکاری مهمانوازلق و کرم فضیلتی بوصنمده تخیل و تمثیل ایتش اولمالریله ایضاح ایدیور . [۱] حیسن دن - یعنی حورمالیله تره یاغوا کشیمش سوتک یوغورولسندن متحصل ماده دن معمول صنم قحطابق زماننده یه نیله بیلیوردی . بالفرض « نخی حنیفه » قیتاقی زماننده بویله صنملری یمشاردی [۲] . اساساً بولنرک ابتدائی صنملر شکنده پاییلوب سنقی صورتده یه نیلن چوق منتشر حیوانات تقدملری صنفنه عائد اولان برعمل اولدینی چوق محتملدر .

جنوبی عربیستانده ، « عم انس » [۳] عبادتنده کیسان قربانلرک وحشی حیوانلره ترك ایدلدیکی ، سپره نغره ، مأخذ کوسترمبه رک بیلدیریور [۴] مع مافیله مقدس حیوانلره الوهیتک مسافرلری یاخود محیلری اولدینی فکری عرب تفکرینه یابانچی اولمادیغنی ادعا ایده بیلیور . اساساً برچوق پت پرست سیستملرده ، بالخاصه اللهلری ، توتهم الوهیتلر اولان مصریلرده ، مقدس حیوانلری بسله مک تماماً دینی برعملدر ؛ بویله جه محلی الوهیتی کوبک Anubis اولان Cynopolis (مصر علیا) ده کوبکلر تعظیم و توقیر ایدیلیر و مقدس یمکلر ایله بسله نیردی . کذلک یونانستانده Apollo Lycius حریم الاحرامنده قوردلرکات ایله بسلندیکی زمانه عائد خاطره نی قدیم عنعنه ، هر نه قدر محرف برشکلده اولسه ده یهینه محافظه ایتشدیر [۵] .

[۱] نولدکه ، ههستیفس آنسقلوبه دیسنده ، سالف الذکر مقاله

[۲] محمود اسعد افندی ، تاریخ دین اسلام ، برنجی جلد ، ص ۴۸۹

[۳] یمنده ، خولان ده ، « عم انس » عبادتی ایچون باقیکنز : ابن هشام ، ووستنفلد طبعی ، ص ۵۳ ، کذا محمود اسعد افندی ، تاریخ دین اسلام ، ص ۴۸۳ ، کذا L'histoire des Arabes ، Clement Huart ، برنجی جلد ، ص ۳۱

[۴] خولان مرخصلری ، حضرت محمد « آنجق کیره بیله جک برکیکه صاحب اولدیغمر حالده ، طویلا یه بیلدیکمز پارمل ایله یوز اوکوز ساتون آلوب ، علی الاکثر بولنری برصباح صنملره قربان ایدهرک وحشی حیواناته ترك ایدیورز » دیمشاردی . سپره نکدرک ووردینی بومعلوماتی ، وه لهاوزنده اقتباس ایتشدیر : سالف الذکر اثر ص ۱۲۱ ، کذا لاغرائز ، سالف الذکر اثر ، ص ۲۵۷

[۵] ص ۹۰۷ ، ایکنجی جلد Pausanias و description of Greece فره یزر ترجمه سی .

مقدما لله لک جنله وَجَنک دخی وحشی حیوانلر ایله چوق یاقیندن مناسبتدار اولدینی درخاطر اولنور و عرب الوهیتلری آراسنده بر آرسلان (یغوث) و بر آق بابا (نسر) الله بولدینی نظر اعتباره آلیرسه عینی عملک بعض عرب حریم الاحرامنده اجرا ایدیلش اولماسی قطعاً محال دکلدر [۱] .

فقط للهک مسافر و یاخود همجنسلیر تلی ایدبله رک مقدس محللرده عرض ایدیلن تقدمه لرک وحشی حیواناته ترک ایدیلسنک عدیملامکان اولمادینی دوشونیه مدیکي حاله بویه بر عملک عرب منسکنده مهم بر موقع احراز ایتهدیکنی المزده کافی درجده و نائق بولونمادیغندن دولای ادعا ایده بیلیرز . اساساً بوتون سامیلرده حیوانی قربانلرک سائق و مدیر فکری الله بر تقدمه ده بولونمقدن زیاده مقدس بر قربانک ات و قانیه الوهیتله برلکده اشتراک بویه جه الله ایله عابدلرینک برلشمسی ، بر فعل اشتراک وجوده کلسی ، بالتیجه عهد ایتمکدی . چوق رسمی بعض قربانلرده ، خاصتاً کفارت قربانلرنده ، قربان فوق العاده مقدس تاقی ایدلیدیکی ایچون عابدلر بوقربانلری ییمکه جسارت ایده میوب قربانی کومرلر و یا یاقارلر و یاخود سائر صورتله « بروقان » اولمقدن منع ایدلری .

انسانی قربانلر مستثنا اولق اوزره قدیم حیوانی یاقه قربانلری ک آزا اجرا ایدیلش اولان عربلرده [۲] بوچوق مقدس اتی ییمکدن اجتنابک دیکر برطرزی ، بولری مقدس حیوانلره بر اققدر : اولغنی قربان ایتک خصوصنده کی ییمکدن فورتیلمق ایچون عبدالمطلب یوز دوه قربان ایتسی حالنده اولدینی کبی قربان ، بر فدیة نجاته تخصیص ایدلیدیکی زمان ، تقدیم ایدمک قربانندن هیچ برشی آلمایارق حیوانات دخی داخل اولق اوزره هرکسه بر اقمادی ایجاب ایدر [۳] . وحشی حیوانلرک ییمسی ایچون ترک ایدیلن قربانلر ، یالکیز بعض مستثنا عبادتله منحصر اولمایوب « عتار » یاخود بدایتده عبرانی فصیح بایرامنه (نیسان آتی) تقابل ایدن ، عربلرک رجب آینده تقدیم ایتدکری سنوی قربانلرده عمومیتله جاری اولدینی و لهاوزن ، قبوله آماده [۴] اولمقله برابر فصیح بایرامیه ، رجب آتی

[۱] W. R. Smith, kinship and marriage in early Arabia ص ۱۹۲ - ۳۰۹

[۲] وه لاهوزن و روبرتشن سمیت ، عربلرده حیوانی یاقه قربانک قطعاً اجرا ایدلیدیکنه قائمدرلر . بالعکس لاعرائز ، بونوع قربانلرک موجود اولدیفنه دائر بعض دلیلر کوستریور . بو خصوصده لاعرائز ، سالف الذکر ، ص ۲۶۱ - ۲۶۲

[۳] مواهب لدینه ترجمه سی ، ص ۱۹ - ۱۹ ، محمود اسعد افندی ، تاریخ دین اسلام ، برنجی

جلد ، ص ۴۷۹ ، ابن هشام ، دوستغلل طبعی ، ص ۹۷

[۴] وه لاهوزن ، سالف الذکر اثر ، ص ۹۴ و متعابری .

تقدمه لری آراسنده کی مشابهتی اکمال ایچون رجب آتی عتائرتینک ایلك دوغان یاورولر اولدیغنی اثبات ایده جک دلائل لازم اولدیغنی سویلدور . بخاری [۱] ایلك دوغان یاورولر (فرع ، فرعه) ایله « عتار » (مفردی ، « العتیره ») ی تفریق ایتسنه رغماً ، حط تفریق قطعی دکادر . لقتلر « فرع » کله سنی یالکیز آتی طوتغال حالنده ایکن قربان ایدیلش ایلك یاورولره دکل [۲] فقط یوز حیواندن بریسنک قربان ایدیلشی معناسنده قولانیورلر . بالعکس « لهین Lane » ، « عتیره » [۳] کله سنی اللهله قربان ایدیلن ایلك یاورو - اول مانیتاج - معناسنه تحدید و تقیید ایدیورلر . مؤخر عربلرک بوکله لک شمولنده کی اختلافلرینی نظر اعتباره آیرسه ق و لهاوزنک ضروری تلقی ایتدیکی اثبات احضار ایدیلش اولور . اساساً پروفیسور سمیت و Winkler [۴] رجب آتی بایرامنک ایلك بهار تساوی لیل و نهارنده واقع اولدیغنی اثبات ایتشلردر . بوموسمده هرکس هیچ دکله برقوزی قربان ایدرلردی . بدویلر ایلك محصولات تقدیم ایده میه چکارندن بوکا مقابل سوریلدن ایلك طوغانلری قربان ایتلری طبیعی و واضح در . بویه قربانلرده آنجق ایلك بهارده تقدیم ایدیله بیلیر .

فصحک رجب آتی تقدمه لریله مناسبتی توضیح ایچون ، خروج کتانه نظراً فصیح بایرامنک موقی هر نه قدر خاطر وی برضیافتدن عبارت اولسده ، حقیقتده عبرانیلرده فصیح ، الک ابتدائی و قدیم آینلردن بری بولدیغنی درخاطر ایدیلک ایجاب ایدر . فی الحقیقه قویون قرقه ضیافتی [۵] کی ، فصیح قربانی ده کوجه چوبانلق دورینه عائد بربر بایرامدر . فصیحک خصوصیتلری شونلردر :

I فصیح ایلك بهار تساوی لیل و نهارنده اجرا ایدیلیر ؛ « .. سز بوکون آیب آینده (مارت - نیسان) چیقدیکنز ... یدی کون فطیر ییه جکسین ، یدنجی کون ربه بایرام اولسون ، بوفریضه یی سنه بسنه کندی وقتنده حفظ ایده سین » (خروج ، اون اوچنجی باب ، ۱۰۶) ، « آیب آتی حفظ ایدوب اللهک ربه فصیحی اجرا ایده سک ، زیرا اللهک رب سنی آیب آینده کیجه لین مصردن چیقاردی . » (تثنیه ، اون آلتینجی باب ، ۱) ،

[۱] بخاری ، مصرطبی ، ایکنجی جلد ، کتاب العقیقه ، ص ۸۵ ، کذا قاموس ترجمه سی ص ۶۳۷

[۲] Lane ، لسان « فرع » کله سی ،

[۳] Lane ، لسان « العتیره » کله سی .

[۴] ص ۳۴۴ ایکنجی بحث Winkler و Altorientliche Forschungen

[۵] برنجی ملوک ، یکریمی بشنجی باب

«... اول کون سزه تذکار ایچون اولوب آتی ربه بایرام ایده سکز» ، آتی عصر لر کزجه فرض ابدی دییه بایرام ایده سکز» (خروج ، اون ایکنجی باب ، ۱۴)

II قربان برسنه لک بر قوزی یا خود او غلا قدر : « رب موسایه خطاباً ، هرا یلک طوغانی یعنی بنی اسرائیلده کرک انساندن و کرک حیواندن رحمک ایلک طوغمش اولانلرک کافه سی بنم ایچون تقدیس ایلده سین ، اونم در دیدی » ، « رحمک ایلک طوغمش اولان کافه سی ربه تخصیص ایده سین و حیواناتدن ایلک طوغان ارککلرک کافه سی ربک اولاجق در . مرکدن هرا یلک طوغان ایچون بر قویون فدییه اولارق ویره سین ، اگر فدییه سی ویرمن ایسه ک بویوننی قیراسک و اوغلرک آراسنده انسانک هرا یلک طوغمش ایچون فدییه ویره سین» (خروج ، اون اوچنجی باب ، ۱-۲ ، ۱۲ ، ۱۳) ، « رب مصر دیارنده موسی ایله هارونه سویلوب دیدی که بو آتی سزه آیلرک برنجیسی سزه سنه آیلرینک برنجیسی اولسون ، اسرائیل جماعتک کافه سنه سویله ییکز که بو آیک اوکنده خاندانلره کوره هرا آدم کندییی ایچون بر قوزی یعنی خانه باشنه بر قوزی آلسون ... قوزیکز قصورسز وارک و بر ییللق اولوب قویونلردن یا خود کچیلردن آلا سکز» (خروج ، اون ایکنجی باب ، ۲۰ ، ۲۱)

III دیگر قربانلر خلاقه ، بوقربان تماماً عائلوی بر تسعیددر . خصوصی بر حریم - الاخرامده خصوصی بر مأمور دینی - پاپاس - واسطه سیله دکل ، بالذات عائله رئیسی طرفندن قربان ایدیلیر : «... موسی اسرائیلک جمله اختیارلرینی چاغیروب آنلره دیدیکه : کندیلرکز ایچون اهل بیتکزه کوره سچوب آلکیز و فصیحی ذبح ایلیمکز و بردمت زوفا اوتی آلوب طاسده اولان قانه باطیرارق طاسده اولان قاندن قابونک اوست اشیکنه وایکی سوکه سنه سوریکز و صباحه قدرسزدن هیچ بر کیمسه خانه سی قابوسندن چیقماسون» (خروج ، اون ایکنجی باب ، ۲۱ ، ۲۲) ، « بر خانه ده یه نیلسون ، اتندن خانه دن طیشاری چیقارماه سین و آنک کیمکی قیرماه سکز» (خروج ، اون ایکنجی باب ، ۴۶) . مع هذا بوقانون تئینه شریعتده تعدیل ایدیلشدر : « ربک کندی اسمنی اسکان ایچون انتخاب ایتدیکی محله الهک ربه فصیح اولق اوزره قویونلر و صغیرلر ذبح ایده سین ... آنجق فصیح قربانی الهک ربه کندی اسمنی اسکان ایچون انتخاب ایتدیکی محله آقشام کونش باتق اوزره ایکن مصردن چیقدیق و قتده ذبح ایده سین ، الهک ربک انتخاب ایتدیکی محله پیشیروب ییه سین ، صباحلاین دونوب مسکنه کیده سین» (تئینه ، اون آلتنجی باب ، ۲ ، ۶ ، ۷)

IV سائر قربانلرده اولدینی کبی قوزی قایتیلما یوب قزارتیلیر . خصوصی صورتده یه نیر ، آنجیق عائله ارکانی و یا خود ختانه عائلهیه تلسیق ایدیلش اولانلر بوقربانه اشتراك ایدمه بیلیرلر : « ... آندن (یعنی قرباندن) چیک یا خود صوده خاشلاشمش دکل ، آنجیق آتشد کباب اولمش اولدینی حالده باشی ، پاچالری و ایچلری ایله برابر ییه سکیز ، آندن صباحه قدر برشینئی براقایه سکیز ، آندن صباحه قدر قالانی آتسه یا قاسکیز و آنی بوجله ییه جکسکیز : بللرکز قوشانمش ، آیق قابلیکیز آیاقلر کزده وعصالر کزاللر کزده اولارق عجله ایله ییه جکسکیز » (خروج ، اون ایکینجی باب ، ۹ ، ۱۱) « رب موسی ایله هارونه فصحك فریضه سی شودر دیدی : هیچ بر اجنبی آندن یه میه جکدر . لکن بر کیمسه نك آتچه ایله آلمش قولى ختان اولوند قد نصکره آندن یه سون ، یبانیجی و اجرتلی آندن یه میه جکدر ... و یانکده بر غریب ساکن اولوب رب ایچون فصیحی اجرا ایدمه جک اولور ایسه آنک هر ارککی ختان اولونسون و آندن صوکره آنی اجرا ایله مک یا قلاشسون و دیارک برلیسی کبی اولسون و هیچ بر ختانسز آندن ییه جکدر » (خروج ، اون ایکینجی باب ، ۴۳ ، ۴۴ ، ۴۵ ، ۴۸)

V قربانك قانی اوک قابوسنه و اشیکنه سرییلیر . بوایرامی مایا قوللانیلما یان برهفته تعقیب ایدر : « ... وفاندن آلوب آنی ایچنده ییه جک اولدقلری خانه لرینك قابوسنك ایکی سوکسه نه و اوست اشیکنه سورسونلر » ، « ... ویدی کون فطیر ییه سکیز ، اولکی کونده خانه لر کزدن مایه یی دفع ایدمه سکیز ، زیرا ایلك کوندن یدنجی کونه قدر هر کیم مایه لی اتمک بیرایسه اول جان اسرائیلدن قطع اولونه جق در . یدی کون خانه لر کزده مایا بولونمایه ، زیرا هر کیم مایه لی بیرایسه غریب اولسون برلی اولسون اول جان اسرائیلک جماعتندن قطع اولونه جق در . مایه لی برشی یه میه سکیز ، مسکنلر کزک کافه سنده فطیر ییه سکیز » (خروج ، اون ایکینجی باب ، ۱۵ ، ۱۹ ، ۲۰)

فقط بوتون بونلر فصحك درونی بر مراسیمی یوقسه ایکی مستقل مراسمک ساده جه بر برینه قرابتدن باشقه برشی اولوب اولمادیفی مشکوک بر نقطه در . کتاب مقدسه نظراً فصیح بایرامی ، مصرده و بانك نهایتی ایلك طوغانلر آراسنده فصیح قانی سوریلنلردن غیر یسنك وبا خسته لغنه مصاب اولماسی ، بنی اسرائیلک مصردن مستعجلاً عزیمتی تخطر ایتدیردیکی حالده ، بوایرامک منشی جوق اسکی و مصردن خروج ایله مناسبی تالی اولدینی جوق محتمل در . فی الحقیقه بوقربانی J. G. Müller ، wellhausen قديم راعی بایراملرک برپسی زنده سی اولق اوزره تلقی ایتکده درلر .

« عتیره » قربانلرینك مذبجه اطرافنده کی منظره سنی ، میدان حریده یاتان مقتوللرک عتار کبی ترك ایدلدیکنه تشبیه ایدن بعض شاعرلرک بوتشبهلرینی وهلهاوزن ، شایان دقت واهمیت کوربور . [۱] اساساً عرب قربان مه تودنده ، اللهك حصه سی اولان قان قربانك یاننه موضوع چوملکه آقوب بوتون منسکی اوامر اتمام ایدیلنجیه قدر حیوان مقدس طاش یاننده براقیدیلغنه نظراً بویوک بریارامده برچوق قربانلر تقدیم ایدیلنجیه بوصحه حقیقه بر حرب میداننه بکزر . بناء علیه رجب آی عتیره لرینك بالضرور صیرتلان وآق بابالره ترك ایدلدیکی قبول ایدیله من .

سامی دینك دهاز یاده ابتدائی شکلنده الوهیتك بوتقدمه لری بالفعل ییمکده اولدینی اعتقادینی قبول مشکلاتی قسماً مایع تقدمه لرك کثرت استعمالی ایله بر طرف اولمقده در : فی الحقیقه مایعات صلب ماده لره نسبتله دها چابوق غائب اولدینی ایچون بوماده لری بالفعل اللهلرك استهلاك ایتدیکنه دهاقولته اعتقاد ایدیلشدر . [۲] فی الواقع مترقی سامی منسکلرده تماماً تالی بر موقع اشغال وعمومیتله یاقه تقدمه سنك بسیط بر فرعنی تشکیل ایدن « دوکه libation » ، انسانی قربان مستثنا اولمق اوزره ، مقدما یاقه قربانلرك نادراً استعمال ایدلمش اولدینی عربلرده ، بویوک بر اهمیت حائزدر . دوکه نك انموذجی شکلی ، قربانك واسطه حیاتی تلقی ایدیلش اولان قان دوکه سی در . مع هذا عربلر وفتیکه لیلر منسکنه داخل اولش اولان سوت دخی شبهه سز چوق اسکی بر سامی « دوکه » سی در . عل العاده عرب قربانلرنده اللهك حصه سنه حاند اولان قان تماماً مقدس طاش اوستنه آقیدیلر ، اتی ایسه عابدلر ومسافر لری طرفندن یه نیردی .

شمال سامی منسکنده ، باشلیجه شرابدن عبارت اولان « دوکه » نك شایان اهمیت جهتی شراب حتی بر آتش تقدمه سیله مترافی اولدینی زمان ییله آتش واسطه سیله استهلاك ایدیله مسیدر . یونانیلر ورومالیلرده قربان شرابی ات اوزرینه دوکولدیکی حالده ، عبرانیلر شرابی قانك بر معادلی اولارق تلقی ایدره ك مذبجه نك اساسنه دوکرلر . بناء علیه بوراده دخی « دوکه » نك نمونه وی شکلی قان اولدیغنه بعض عرب آیینلرنده میوه عصاره سی کی [۳]

[۱] وهلهاوزن ، سالف الذکر اثر ، ص ۱۱۵ ، بوراده قید ایدیلن اشعار ایله ص ۶۵ ، ۱۶ مقایسه بویوروکز ، کنذا بوخصوصده فی شاعرانه تشبیهات ایچون : ابن هشام ، ووستنفلد طبی ، ص ۴۴ ، ۴۰ .

[۲] E. B. Tylor ، سالف الذکر اثر ، ایکنجی جلد ، ص ۳۸۲ - ۳۸۳

[۳] و . ر . سمیت ، Kinship and marriage ، ص ۲۶۱

شرابك قان یرینه قائم اولدیغی نتیجه‌سنه واصل اولماضر لازمکلیر ایسه‌ده بالعکس عبرانی منسکندمه قربان قانی بر «دوکه» اولقی اوزره تلقی ایدیله مشدر: «اینک یاغی وقویون سودی، قوزیلرک وباشان قوچلرینک و تکه‌لرک یاغی و بغدادیک اعلاسنی یه‌دک و اوزوم قانی اولان شرابی ایچدک» (تثنیه، وتوز ایکنجی باب، ۱۴)، «و آنی سوتدن کسیدیگی کی آنی کندیس یایله برابر چیقاروب اوچ طانا یایله براقا اون و برطولوم شراب یایله شیلویه بیت‌الریه کوتوردی، چوجق کوچوک ایدی» (برنجی ملوک، برنجی باب، ۲۴)، «... و اورادن ایلری کیدوب تابور میشه‌سنه واصل اولدیغنده اوراده بیت شیله الله حضورینه چیقمق اوزره بری اوچ اوغلاق و بری اوچ اتمک صومونی و بری برطولوم شراب طاشیان اوچ آدم سکا تصادت ایده‌جکدر. سن اونوجمه جالجاله این وایشته بن محرقه‌لر تقدیم و سلامت ذیحله‌ری ذبح ایتک ایچون یانگه اینه‌جکم، بن یانگه کلوب یا پاچغکی بیسان ایدنجه دکین یدی کون مکث یایله» (برنجی ملوک، اوتنجی باب، ۳، ۸) قانک مشروبات تقدیمه‌سی اولارق تقدیمی مزامیرده بت پرستلک عملی اولقی اوزره تصویر ایدیلشدر: «... قاندن اولان مشروبات تقدیمه‌لرینی تقدیم ایتیم واسملرینی دوداقلریمه آلام» [مزامیر، اون آلتنجی باب، ۴]. مع‌هذا بوققره بویله «دوکه» لک معلوم و موجود اولدیغی اثبات ایدر. عبرانی مذبحه منسکندمه قانک اساساً بر ایچمه تقدیمه‌سی اولدیغی یته مزامیردن آکلابورز: «بوغا آتی یرمییم وارکچ قانی ایچرمییم» (مزامیر، برنجی باب، ۱۳)، «کذا» یارب خاشاکه بن بونی یاپایم، جانلرینی مخاطره‌یه قویارق کیدن بو آدم‌لرک قانی می ایچیم» دیرک داوود بیت‌الرحم قویوسندن چکیلش صوبی ایچمک ایسته‌میه‌رک بر ایچمه تقدیمه‌سی اولقی اوزره دوکیور (ایکنجی ملوک، یکریمی اوچنجی باب، ۱۷). ارمیا پیغمبر زماننده عبرانی قادینلرینک عائله‌وی بت پرستلکی منسکندمه «دوکه» نک اساس بر قسم تشکیل ایتدیکنی و علی‌الاکثر خصوصی عبادت، عمومی عبادتدن ده‌ایزاده محافظه‌کار اولدیغی نظر دقتده بولندیرر و بوقاروده‌کی مسرود آتمزه علاوه ایدر ایسه‌ک، اولکیلر یایله برآزاده تدقیق ایتدیکنمز زمان واصل اولاجمیز نتیجه‌شودر:

قان سکبی آتش قربانلرندن ده‌الاسکی و عمومی برسامی عملیدر: «وطاملری اوزرنده جنود سباویه‌نک کافه‌سنه بخور یا قدق‌لری و غیری الله‌لره مشروبات تقدیم ایتدک‌لری خانه‌لرک جمله‌سی سببندن اورشیلیمک (قدس) خانه‌لری و یهودا ملک‌لرینک خانه‌لری توفت محلی کی مکروه اوله‌جقدر» (ارمیا، اون طقوزنجی باب، ۱۳)، «... بوشهره قارش جئک

ایدن کلدانیلر کله جکله و بوشهری آتسه و یروب آنی وَبْنِ غَضِبِه کتیرمک ایچون طاملری اوزرنده بخور یاقه قلمری و غیره الالهله مشروبات تقدیمه سی دو کدکری خانه لری دخی یاقه جقلم « (ارمیا ، اوتوز ایکنجی باب ، ۲۹) ، « آنجق سما ملکسه بخور یاقه رق و آکا مشروبات تقدیمه لری دو کدک مک مطلقا آغز مندن چیقان هر سوزی اجرا ایده جکزه ، نیته کیم یهودا شهر لرنده و اورشلم سوقا قلمرنده بز و اجدادیمز ملکلمرمن و رئیسلمرمن اجرا ایلدک و اوزمان آتمک طوبدق و حالز ای ایدی . بلا کورمدک ، لکن سما ملکسه بخور یاقنی و مشربات تقدیم ایتمکی ترک ایتدیکمز و قندنبری هر شیشه محتاج اولدق و قیلنجدن و قیلقدن تلف اولدق . سما ملکسه بخور یاقنیمزده و آکا مشروبات تقدیم ایتدیکمزده ارککلریمزک اذنی اولما یارقنی آکا عبادت ایچون پیده لر یابدق و آکا مشروبات تقدیم ایتدک دینیلر « (ارمیا ، اون دردنجی باب ، ۱۷ ، ۱۹) شراب « دوکه » ابتدائی قان تقدیمه سنک بر تقلیدی و اونک برینه قانم اولماسیدر . سامیلرک تقدیمه لرنده صوبک دخی بر سبک عدایدیلوب ایدیلیه جکی چوق مشکو کدر . داوودک یوقاریده بحث ایتدیکمز صودوکه سی تماماً ایتثنائی بر حالدر : ... و مصباهده جمع اولدیلر و صو چکوب ربک حضورنده دو کدک اول کون اوروج طوتدیلر و اوراده بزربه قارشنی کناه ایتدک دینیلر و صاموئل نی اسرائیله مصباهده حکم اجرا ایلدی « (رنجی ملوک ، آلتنجی باب ، ۱۶) ، « و داوود حسرت چکدک بیت للحمک قابوسنده اولان قیودن کیم بکا صو ایچریر دیدی . اولوقت اوچ قهرمان فلسطیلرک اردوسنی یاروب کجدیلر و بیت للحمک قابوسنده اولان قیودن صو چکدیلر و آلوب داووده کوتوردیلر ایسهده او آدن ایچمک ایسته میوب آنی رب ایچون دو کدی و یارب حاشا که بن بونی یاپیم جانلرنی مخططریه قوبارق کیدن بو آدملرک قانی می ایچیم دیرک آدن ایچمک ایسته مدی بو ایشلری اوچ قهرمان یایدی « (ایکنجی ملوک ، ۱۵ ، ۱۷)

لاویلور شریعتنده منسکی صو تقدیمه لر سنک موقعی یوقدر . مع هذا بو کون دخی siloe [۱] چشمه سندن آلوب داوود و ترامپته چالنه رق معبدله نقل ایدیلن صو ، حیمه لر بایرامنک بدنجی کونی مدبدب بر صورتده دو کیلیر خاخالر بو مراسمک موضوعنی متعاقب سنه ایچون مبذول یاغورلر تأمین صورتنده ایضاح ایدیورلر که طوغریدر . صو دوکه نیک قوتلی بر یاغور بو یوسی اولدینی عالشمول بر اعتقاددر . [۲] . بناءً علیه بوراده کی

[۱] قدسده Hennon و ادیسنده کی صو منبعی در .

[۲] جهیمس فره بز ، بو خصوصده بر جوق مثاللر ذکر ایتشدیر : Golden Bough ، برنجی

صو دوکه نك برلازمه شریعت اولمادینی بوآین دین محیطنه دکل ، فقط طبیعی حادثه لری کوچوک مقیاسده تقلید ایده رك بو حادثه لری صنی صورتده تولید ایتک اعتقادینه استنادایدن « تقلیدی » بویو مقوله سنه عائد اولدینی تظاهر ایدر . بویونك عینی مقوله یه عائد بعضی شکلرنده یا غمور کبی کوك کورله مسیده تقلید ایدیلیر . [۱] نته کیم معبد صو نقل ایدیلیر کن ترامپته چالما سنك معناسی بویولده ایضاح ایدیلیر .

حیمه لر بایرامنده کی صو دوکه نك یاقیندن مشابهی ، Hierapolis (پاموق قلعه) ده واقع آیینده دخی اجرا اولنور [۲] : سنه ده ایکی دفعه اجرا ایدیلن بوآینده عابدلرك دکزدن - یعنی فراندن - [۳] کتیر دکاری صو معبدده کی خصوصی دلیک دوکیلردی . غننه یه نظراً ، Deucalion [۴] طوفانی صولرینی بلع ایدن بودلیکدر . اساساً بوحمله بر حریم الاحرام انشاسنی موجب اولان سبب بودلیکک تذکاری خدمت لیردر . کذلک بویله صو دوکه منسکنک دیگر بر مشابهی ده ، اون سکزنجی عصرک نهایته قدر صور (قدیم Tyre) شهری قابوسنده کی چشمه ده اجرا اولنوردی : ایلول آینده صولر بولانوب قزمزیشدینی زمان اهالی بویوک برضیافت ترتیب ایدرلر و صویک براقیتی اعاده ایچون منبعه برقاچ دستی دکز صوبی دوکرلردی [۵] . بومراسمک قوراق موسم نهایتده ، صویک تماماً آزالدینی بر زمانده اجرا ایدیلسی معنادارد . بویله جه بوراده دخی سه میاتیک بر بویو موضوع بحث اولدیغی آکلایورزو . اساساً طوفان حکایه سیله تصوفی صورتده ایضاح

جلد ، ص ۳ ، ۲۴۸ و متعاقب لری ، اصفهانده اجرا ایدیلن سنوی صو دوکه آیینی دخی بونلره علاوه ایده ییلیرز .

[۱] ، فره یز ، سالف الذکر اثرنده عرب بویوسنده شیمشکی تقلید ایتک اوزره حیوانلره - احتمالک حیلانلر - مشهلر باغلانوب طاغلره طوغری سوق ایدلیدی بیلدیریور . کذا وه لاهوزن ، سالف الذکر اثر ، ص ۱۵۷

[۲] ۱۶۶، ۱۶۷ ص ، lagrange ، کذا ، ص ۱۳ ، Lucien, De Dea Syria,

[۳] عراقیلر فراتی دکزن تلنی ایدرلردی .

[۴] مبعود زوسی ک یابدینی طوفان

[۵] سکزنجی بحث Volney Etat Folitique de la syrie «هرسته نشرین اولک ایلک کونی رأس العین صولری تبحر ایده رك فوملر صوبی استفاده ایدیلیمیه جک قدر بولادیر ، اوزمان منبعه بش آتی دستی دکز صوبی دوکیلیر ، بویله جه ایکی ساعت ظرفنده رأس العین قویولری صوینک طورولسی تأمین ایدیلردی : mariti Voyages dans Lile de (فرانسجه Chypre ، ترجمه سی)

ایدیلش اولان Hierapolis ده واقع آیدنک موضوعی ده حقیقتاً یاغورجللی اولدییی چوق
محملمدر .

عبرانی منسککنده ، زیتون یاغی بر سكب دکلدرد . فقط قربانده قولانیلدییی زمان
حبوباته عائد تقدمة بی ایصلاقمق و بوتقدمة نك تفاسستی اكمال ایتدکه خدمت ایدرد . مقدس
طاشلره زیتون یاغی دوکمه عانتی یعقوبك افاده سنه نظر آیت تیل دده جاری ایدی : « ..
یعقوب اللهك کندیسيله تکلم ایلدیکی محله طاشدن بر دیرك دیکوب اوزرینه مشروبات
تقدمة سی دوکدی و اوزرینه زیتون یاغی دخی دوکدی . بعقوب اللهك کندیسيله تکلم
ایلدیکی محله بیت تیل تسمیه ایلدی (تکوین ، اوتوزبشنجی باب ، ۱۴) ، « .. یعقوب
صباحلین ایرکن قالدی و باشی آلتنه قویدییی طاشی آلب آنی دیکدرک تپه سنه زیتون
یاغی دوکدی » (تکوین ، یکرمی سکرنجی باب ، ۱۸) حق بعدالمیلاد دردنجی عصرده
« دلیکلی بر طاشی زیارت ایچون حجه کلن یهودیلرک طاشی تعطیر ایتدکلرندن بحث
اولونیورکه بوراده موضوع بحث اولانلر هر سنه قدسی زیارته کلن ، بوردو حاجیلریدر .
فقط بو عطریات زیتون یاغی کبی یهنیلن بر ماده اولمادیی ایچون بومنسکی عملک طبیعی
برمشافنی صاج و جلده قولانیلان مرهملرده آراملیدر . [۱] : سونجلی کونلر ، شنلکلر
وضیافتلرده دایما یاغ سورونولور : « صلاحی سووب فسقندن اکراه ایتدک بوسیدن یا الله
سنک اللهك سنی شریکلرندن زیاده شادلق یاغیله مسح ایلدی . البسه نك کافه سی مرصافی
وعود و طارچین در . فیل دیشی سرایلردن ، کیریشلی چالغیلر سنی مسرور ایتدیلر »
(مزامیر ، قرق بشنجی باب ، ۷ ، ۸) ، اشعیا کتابنک بو خصوصده کی فقره لر یله بو افاده لر
مقایسه ایلدیکی تقدیرده رسم تنوجلرده قراللرک تدهینی ، بوسرور کونلرنده حیثیتلری
ایله متناسب تزینات اکتسابی مراسمنک بر قسمی اولدیغی انتاج ایده بیلیرز : « صهیونک
ماتم ایدنلری ایچون تدارک ایدوب آنلره کول یرینه مزین صاریق و ماتم یرینه شادلق
یاغی مایوس روح یرینه حمد لباس و یرمک ایچون نبی ارسال ایلدی . آنلره صلاح
آغا جلری ربک کندی عزتی ایچون دیکلدیکی آغا جلر تسمیه اولونه جودر » (اشعیا ، آتمش
برنجی باب ، ۳) مقایسه بویوریکز : « بو کیمدرکه مرصافی و کونلکلر ، تاجرلرک هر نوع
بهاراتیله عطرلانه رق توتون درکاری کبی بریدن چیقار... ای صهیون قرلری چیقیکنز
[۱] تدهینک بویوخصوصده کی استعماله دائر باقیکنز : Frazer ، سالف لدر اثر ، برنجی

وملك سليمانى دوكونى كوننده وقلبك مسرتى كوننده والده سنك آنى تاجلاندير دینی تاجی ایله کوروکز» (اغنی الاغانی، ایکنجی باب، ۱۱)

فی الحقیقه تدهین مهماننوازلق، حرمت، تعزیز نشانهسی اولدینی ایچون هر کون مقدس طاش یاخود قاباضنملر اوزرینه زیتون یاغی دوکیلیر وهر ضیافتده توایلر ایله تزیین وتویج ایدیلیردی. سامی ملتلر ضیافتلرده دیرکار دخی دیرکلردی: «نقشلی البسه کی آلوب آنلری اورتدک، یاغمی و بخورمی اوکلرینه قویدک» (خزقیال؛ اون آلتنجی باب، ۱۸) بالطبع تدهین منسکی بوتون بونلر ایله برابر کیدیور: پت پرستلکک صوک کونلرنده، مدینه ده اسلاملرک تلویث ایتمش اولدقلری عائلوی بر صنمی ییقادقدنصکره یاغلایان بری قید اولونیورکه، شمعی عرض ایتدیکنز فکره طاند اولدینی شهه سزدرد. [۱]

اساساً مقدس تمثالی تدهین ایتمهک چوق دینی بر معناسی واردر: عبرانیجه یاغلامق معناسی افاده ایدن «مشح» کلمه سی، تماماً سیلمک یاخود جلد اوستنه مرهمی یا یمق ایچون ال ایله دلاک ایتک معناسنه دخی کلیر. بویله جه مقدس تمثالک مشحی یعنی تدهینی، عربستانده الوهیه احترامک اک بسیط شکلی اولان صنمک تمسجیله مشترکدر. [۲] ابن هشام، اولالارینی یاغه صوقوب بعده کعبه یه سیلهرک واقع اولان یمینلری تصویر ایدیور.

اساساً مرهم، شخصی، معشری، طبی، دینی... الخ مقصدلره بناء قولالانشدر. تدهین عملنک منشی^۱ تحظر اولونه میه جق قدر قدیمدر: شخص جنلری احما، طاشلری، معبدلری، پیغمبرلری، پاپاسلری، قراللری، حال احتضارده بولنلری یاغلامق واقیزک مؤثریتی اتمام خصوصنده هپ یاغ قولالانیلیردی. بو خصوصده قولالانیلان یاغلر بو خاصه سی یامنششده اسرار انکلیر قوتلره صاحب حیوانلردن، مقدس ماده لر ایله تماس، بویو دستورلرندن، تقدیسدن ویاخود مؤخر ادعا ایله احراز ایدرلردی.

بالآخره تفصیلاتیله عرض ایده جکمز وجهه، قانک قربان خصوصنده استعمالی قان حیاتک خصوصی بر موقعی بولندیقی تلقیسنه ارجاع ایدیله بیله جک چوق مهم منسکی بر سلسله افکار ایله مناسبتداردر: «... لکن زیاده صاقن قانی یه میه سین زیر قان جاندر، (تنیه، اون اوچنجی باب، ۲۳)، «... وساول دیدی که قوم آراسنه طاغیلوب آنلره خطاباً

[۱] ابن هشام ووستنفلد طبی، قصه عمرو بن الجموح، ص ۳۰۳

[۲] محمود اسعد افندی، تاریخ دین اسلام، برنجی جلد، ص ۴۸۲

هر کس کندی صیغیرنی و قویونی بکا کتورسون و بوراده بوغازلایه رقی بیکنز و قانی ایله
 ییوب ره کنه اتمه یکنز دیه سکنز بوبله جه بوتون قومدن هر کس او کیجه ایله صیغیرنی
 کوتوروب اوراده بوغازلادی « (برنجی ملوک ، اون دردنجی باب ، ۳۴) . لاولولر
 و تئیه شریعتنده قان ایچمه نك شدتله منهی ، قسما بت پرستلک عادتلرینه متوجه اولدینی محتملدره
 « و قانلرینی آغزلرندن و مکروهاتلرینی دیشلری آراسندن دفع ایده جکم . اودخی اللهمز
 ایچون بقیه اولوب یهوداده امیر عقرون دخی بپوس کبی اولاجق در » (زکریا ، طقوزنجی
 باب ، ۷) ، « قانی ات یه میه سکنز ، تقال اتمه سکنز ، منجملک ایله میه سکنز » (لاویلور ،
 اون طقوزنجی باب ، ۲۶) . بوراده اعتقادک مفشئی مذبحده تقدیم ایدیلن قانک بالفعل
 الوهیت طرفندن ایچلمسی سامیلرک بوخصوصده کی اعتقادلرینه دائر یالکنز مزامیرک
 بالنسبه جزئی معلوماتنه افتقار ایتسه یدک بوخصوصده قطعی بر حکم ویره بیلمک ایچون
 کفایت ایتزدی : « بن قبره ایندیکمده قانمدن نه فائده اولور ؟ طوپراق سنی مجد ایدرمی ،
 سنک حقیقتنی اعلان ایدرمی » (مزامیلر ، اوتوزنجی باب ، ۹) مع هذا مزامیرک
 بوخصوصده کی افاده لری ساده جه بدیی اولاماز . زیرا عینی اعتقاد دنیانک هر طرفنده ،
 ابتدائی ملتلرک عالمشمول بر اعتقادیدر . [۱] . قان تقدیمه سنک موجودیتی ، اللهله عرض
 ایدیلن تقدیمه لرك عمومیتله انسانی غدار اولدینی قاعده سنه بر استئنا تشکیل اتمز : زیرا
 بر چوق وحشی ملتلر کرک الهام آلق و کرکسه نفاستندن دولای قان ایچدک لری کبی ،
 قرابت تأسیسی ایچون قان ایچلمسی ده کذا عالمشمول بر اعتقاددر . بوتقدیرده ایکی شخص
 وجودلرینی یاروب بر برینه تماس ایتدیرمکله و یاخود ساده جه یکدیگرینک قانی ایچه لرك
 تولد درجه سنده قوی بر رابطه قرابت تأسیس ایدرلردی . بورابطه و ابتدائی ملتلرده سمیه
 یاخود قبیله یی احتوا ایدر : مشترک بوقان هرسمیه اعضاسنک طمارلرینه آقیدیلیر . عبرانیلر
 و عربلرده برقبیله اعضاسی قتل ایدلدیکی زمان ، فلانک قانی دکل ، قانمزد و کلشدر « دیمه لرینک
 سبی بودر : « واسرائیلک جمله سبطلری حبرونه داوودک یانه کلوب آکا خطاباً ایشته
 بزسنک کییک و انک ایز ... دیدیلر » (ایکنجی ملوک ، بشنجی باب ، ۱) ، « ولابات آکا
 فی الحقیقه سن بنم کییکم و اتم سین دیدی » (تکوین ، یکرمی طقوزنجی باب ، ۱۴) ،
 « عماسایه دخی دیکنز که سن کییکم و اتم دکلینسن » (ایکنجی ملوک ، اون طقوزنجی باب ،
 ۱۳) ، همان همان دائمی مجادله لر ایچنده کچن بر محیطده حیاتی مدافعه نك برواسطه سی قانک

بومعشری قیمتیدر . [۱] بوندن باشقا ، قان برواسطه اشلا فدر : اوسترالیا لیلر اختلافاتی حل ایچون برضیافتده بربرلینک قانلرینی ایچرلردی .

عربلر جانلی بردوهنک طمارلرندن آلدقلى قانله بر نوع طائلی یابارلر وقحطلق زمانلرنده احتمالکه سائر وقتلرده دخی بویه طائلی ویاخود یمککری یرلردی . بو عادت حضرت محمده قدر دوام ایتمشدر .

مع هذا مرکز حیات اولان قربان قانی ، بالاخره تدریجاً چوق مقدس برماده تلقی ایدیلیمی اوزرینه ، قربانلرک اکثریسنده تماماً الوهیته تسلیم ایدلدی . عبرانیلر و عربلرده بوتون اهلی حیوانات ذبحی بدایتده قربان تلقی ایدلدیکی ایچون بو تلقی علی العاده غذا ماده سی اولق اوزره قانک عدم استعمالی تولید ایتمشدر . حق علی العموم ذبح آرتق قربان فکرینی احتوا واستلزام ایتهدیکی زمان بیله ینه حیوانلرک برالله نامه کسیلوب قانی بره سریمک ضرورتی بولوندینی دوشونولمکده دوام ایتمشدی . بو تلقی عبرانیلرده قان

[۱] قانک مقدس تلقی ایدیلیمی نتیجه سی شو صورتله تلخیص ایده بیلیرز : غذا اولق اوزره قان استعمالی ممنوعیتی ، بر سراسی تقدیس ، تقاتل ایچون قان ایچلمسی ضرورتی (هندستان) لاویلر ، اون طقوزنجی باب یکرمی آلتنجی فقرده قان ایچمکه تقاتل آره سنده موجود بومناسبت اشارت ایدیور ... قانک برقه تیشی تقدیس ویاخود قادرقیلیق ایچون ایچلمسی (آفریقا) . دیگر برتلقی به نظراً قان احواله نظراً خیرکار یاخود شرکار برقوته ده صاحبدر بالفرض قان براختیاری قوتلندیردیکی کبی (آوسترالیا) ، پاسارلرده هم قوت وهمده الهام ویرر . خسته لقره مانع اولور وتشقیه ایدر ، ازدواجی مثمر قیلار ، شرکار نفوذلی افشا ایدر . هندیلر انشای ازدواجده ، زوجه لرینک محتمل صداقتسزلکرینی افشا وتجزیه ایده بیلدک ایچون زوجلر بر مقدار قانلرینی زوجه لرینه ایچیرتیرلردی . قانله ییقانه - فعلاً یاخود مجازاً - کناهی تطهیر ایدر بوکا مقابل بعض قانلر ، فرضا چوق طوغمی قانی ، حیضی قانی فوق العاده تهلکه لیدر بویه قانلر ، جوارندن کچلری تهلکه ده براقامق ایچون کومولک ایجاب ایدر . ایکیز چوق طوغورانلر آنجق معین دوره دن سوکره طرغوم قاننه باقابیلرلر .

قانله تطهیر ، بورونه اونک Dayak لرنده ، شرق هندستانده ، میترائیزم دیننده اجرا اولنوردی . بر چوق خریستیان الهلرنده دخی بولونان قانله تطهیر بواعقاد ایله مقایسه ایدیلیر . آمریقاریلرلی ایچون : ایکنجی جلد ، ص ۳۴۴ برنجی جلد ، ص ۲۹۴ Bancfort native races آفریقاده نیل ازرقک بوتون بریلری تازه قانک غایت لذتی اولدیغی ادعا ایدیورلر مازای محاربلری ، کذلک مختلف سیاحلرک نهادلرینه نظراً Jallas لر - سودانک نیل سواحلی قبیله سی - تازه قان ایچورلر . هوتن تولرده ، یالکیز ارککلر حیوانات قانی ایچرلر ، قادینلر ایچون ممنوعدر . بوخصوصده : ص ۲۰۳ ، ۲۰۰ Keblen, state of Cape بو صوک حالده قانک تماماً مقدس بر غذا اولدیغی آکلاپورز .

تاتارلرده قان ایچمه ایچون : برنجی جلد ، ص ۲۵۴ Yule, Marco Polo

یهنك مطلق صورتده منعنی موجب اولدینی حالدہ ، عربلرده بو عادت حضرت محمدك تشریعاتنه قدر دوام ایتدی : « بنی اسرائیلدن یاخوڈ آرا كزده مقیم اولان عربلردن بری یه نیر حیوان یاخوڈ قوش اولادقده آنك قانی آقیدوب طوبراقله اورتسون . زیرا زیرا هر جسدك جانی آنك قانی اولوب اصل حیاتی اودر . بوسیدن بنی اسرائیله دیدی كه هیچ بر جسدك قانی ییه میه جكز . زیرا هر جسدك جانی آنك قانی اولوب آنی ییه ك آدم قطع اولونه جق در . » (لایولور ، اون یدنجی باب ، ۱۳) ، آقانی ایچمك ممنوعیتك لایولور قانونندن اول موجود اولوب اولمادینی تماماً واضح دكلدر . تئینه كتابی بو خصوصده مههم در : « آنجق قانی یه میوب آنی صوكی یره دو كه سكز » (تئینه . اون یكینجی باب ، ۱۶) بوندن ماعدا قان ایله لاشه ییه مك قانونی برابر در . « لاشه یاخوڈ پارالتمش اولانی ییه هر كیمسه یری اولسون غریب اولسون البسه سنی ییقایوب كندیسیده صوایله ییقانه جق و آقشامه قدر ناپاك اولوب آندن صوكره طاهر اولاجق در . » (لایولور ، اون یدنجی باب ، ۱۵) ، « هیچ بر لاشه ییه یكز ، ییه سی ایچون آنی قاپولرنده بولونان غریبه ویرسین یاخوڈ اجنبی به صاناسین ، زیر سن اللهك ربه مقدس بر قومی سین » (تئینه ، اون دور دنجی باب ، ۲۱)

مقدما عرض ایتدیكمز وجهله ، اللهرك قربانلردن یالکز مایع اقسامی یدکاری تلقیس الهی طبیعت حقنده قابا ماته ریالیست افكارك اعتداله دوچار اولدیغی کوستر . بواعندالك توجه ایده بیله جکی استقامت ، الوهیه تقدیم ایدیلن قربانلر ایله اولویه ویریان تقدمه لرك مقایسه سیله محاکمه ایدیله بیلیر . یونان قهرمانلرینه دوکیلن قان ، خصوصی بر سیما تمثیل ایدر . عربلر اولولرینی آجلقدن زیاده صوسز تلقی ایدره ك مزارلرینه صو وشراب دوكرلردی . [۱] فی الحقیقه بعض قبیله لرده مقتولاً وفات ایدنلرك قبری اوزرنده « هامه » تسمیه ایدیلن قوشك دائماً دولاشوب ، مقتولك انتقامی آلننجیه قدر « بكا صو ورك ! بكا صو ورك ! » دیه باغیردیغنه اعتقاد ایدیلردی [۲] .

بو یوله جه اللهرك یه میه رك یالکز ایچدکاری فیکری اللهرك انسانلردن فرقلی بر طبیعته صاحب اولدقلری دوشوندیكنی کوستر . بناء علیه بو استقامتده آتیلان بر خطوه یاقه قربانلرینك منسكه داخل اولمالر یله یاقندن مناسب تداردر : زیرا آنك ویاخوڈ قربانلرك

[۱] ولها وزن ، سالف الذکر اثر ، ص ۱۶۱

[۲] امیرعلی ، روح اسلام ص : ۵۴

السمیات مجموعہ سی ، صابی : ۹

یا قیلماسی تعاملی هر نه قدر مختلف خطوط تفکرده باشلامش اولدیغی قبول ایتمه کافی اسباب موجود ایسهده بعدما اللهک ضیافتی مادی قربانلر یرینه ساده جه یاقه منسکی ایله خوشبو دومانلره تجول ایتمش غذا تقدمةسی تشکیل ایتدیکی آکله شیلور . اولولره واقع تقدمةلرایله الوهیتة تقدیم ایدیلرک مشاهق بو خصوصده کی نقطه نظر منی تأیید ایتمکده در . یونانیلرده - قبل المیلاد یدنجی عصر - اولو ایله برابر کومولن تقدمةلرک یا قیلارق ائیرلشدیرلرکجه اولولرک بویله تقدمةلری ییه میه جکی فکرینک هنوز یکی تولد ایتمش اولدیغی Perinandre و Mélissa حکایه سندن اوکره نیورز . یا قیلان قربانلرک خوشبو بلوطلر حالنده هوایه یوکسلمسی ، اللهک اثری موجودیتلر اولق دولایسیله هواده ، یوکسک کرده یشامقدمة اولدقلری فکريله ممزوج اولارق آتش واسطه سیله قربان تعاملنه مربوطدر . بویله جه یرلشمش سامیلرده ، خوشبو دومان تقدمةلری اولارق تفسیر ایدیلن یاقه قربانلرینک کثرت وقوعی تماماً روحانی دینه منزایسهده ، هیچ اولماز ایسه مادیلرک ال کقابا صورتلرندن بر درجه یه قدر صیریلش اولارق ، الهی طبیعت حقنده قوی صورتده مؤسس بر تلقی بی کوستر : « بنی هارون اولان کاهنلر پارچالری ، باشی وایچ یاغنی مذبحده اولان آتشک اوستنده کی اودونلر اوزرینه دیزسونلر . اما ییجی وپاچالری صوایله ییقایوب ربه خوش رایجه لی بر قربان اولق اوزره کاهن جمله سنی محرقه اولارق مذبحده یاقسون » (لاویلور ، برنجی باب ، ۸ ، ۹)

تماماً الله تسلیم ایدیلن قربانلرایله الله وعادلرینک برلکده اشتراک ایتدکلری قربانلر آراسنده کی فرق تفریق و تمیز ایدیلک ایجاب ایدر . عبرانی منسکینک لاویلور شریعتنده افاده ایدیلن الک صوک شکننده بوفرقت صریحدر : مذبحده یاقیلمایوب پاپاسلره تخصیص ایدیلش اولان بوتون حیویات تقدمةلری و حیوانی قربانلر آراسنده کناه تقدمةسی ؛ یاقه تقدمةسی برنجی صنفه عائددر . کناه تقدمةسینک اکثریسی یاقه قربانی دکلدر . فقط یاقیلمایان ات قسمی رهبانه عائددر : «... بکامحرقه واتمک تقدمةلریکزی تقدیم ایتسه کرده قبول ایتیه جکم . بسیلی حیوانلریکزدن اولان سلامت قربانلرینه باقمایه جقم » (آموس ، بشنچی باب ، ۲۲) الوهیتک حصه سی قان و باغرساق یاغلی اولدیغندن متباقی قسم ایچون پاپاسلره بعض عواند ویریلیردی . معشری برضیافت تشکیل ایتمک اوزره عابده ترک ایدیلن علی العاده قربانی بایراملر ، نذرلر و اختیاری تقدمةلر ایکینجی صنفه عائددر . [۱]

[۱] کتاب مقدسک انکلیزجه ترجمه سنده Zebahim « قربان » و Shlamim کلمه سی « ذکات »

محرقة اولاجق قربان قویون ویا کچی ایسه: «ایچلری ایله پارچهلری صو ایله ییقایوب ربه خوش رایحهلی قربان اولق اوزره کاهنلر جمله سنی کوتوروب محرقة اولارق مذبحده یاقسون» [لاویلور، برنجی باب، ۳]، قوش ایسه «قورصاغی ایله ایچنده کنی چیقاروب آنی مذبحه نك شرق جانبنده اولان کل محله آتسون، آنی آیرمایه رق قانادلری آراسندن یارسون و محرقة اولارق ربه خوش رایحهلی قربان اولق اوزره کاهن آنی مذبحده آتشد اودون اوزرنده یاقسون» [لاویلور، برنجی باب، ۱۶، ۱۷]، «بر کیمسه ربه اتمک تقدمة سی تقدیم ایدمک اولور ایسه آنی بی هارون اولان کاهنلر کوتورسون و آندن کوندلکک هپسی ایله برابر اونندن ویاغنگدن بر آووج طولوسی آلسون و کاهن ربه خوش رایحهلی قربان اولق اوزره آنی تذکار اولارق مذبحده یاقسون» [لاویلور، ایکنجی باب، ۲]، «اگر تقدمة ک تجرده پشمس تقدمة ایسه کاهن تقدمة دن تذکاری آلوب ربه خوش رایحهلی قربان اولق اوزره بی هارون بونلری مذبحده اولان آتش اوزرنده، اودونلر اوستنده بولونان محرقة ایله برابر یاقسونلر» [لاویلور، ایکنجی باب و، ۵].

بوایک صنف قربانک منشی* ماده و معناسنی محاکمه ایدرکن دقتیزی اولی امرده تقدمة نك اک بسیط واک عمومی شکله حصر و تحدید ایتک ایجاب ایدر. یودا حکومتک صو ک کونلرنده، ودها زیاده تبعیددن صو ک کفارت مقصدیله قربانلر ویاقه تقدمة لری، اسکی زمانلرده نائل اولدقلری بر شهرت احراز ایتدیلر. فی الحقیقه قدیم زمانلرده لاویلور شریعتی کناه تقدمة سی حقنده هیچ بر شی بیلیمه یوردی. قربانک کفارتی وظیفه سی خصوصی بر تقدمة صنفه مقصور اولمایوب بوتون قربانلر - یعنی Zébah و Minha - ودها زیاده یاقه قربانلرینه عائددر: «... معلومی اولان کناه یعنی اوغللرینک کندی اوزرلرینه لعنت دعوت ایتدکاری و کندیسنک آنلری منع ایتهدیکی ایچون آنک خانه سنه الی الابد ایدم حکم حکمی آکا خبر ویردم. بواجلدن عالینک خانه سی حقنده عالی خانه سنک کنهای قربانله تقدمة ایله الی الابد کفارت بولمایه جق در دیه یمین ایتدم» [برنجی ملوک،

مقابلی اولارق یا کلاش ترجمه ایدیلشدر. زیرا تأدییه یاخود ادا - یعنی برندری ادا - ایتک فعلندن Shelamim و Shillem ی آیرمی مشکدر. Zébah کله سی عرجه ده «ذبح» کی یمینک ایچون کسین بوتون حیواناتی احتوا ایدر. اسکی زمانلرده هر ذبح، قربان اولدینی ایچون ودها عمومی بر قعیبردر. مؤخر زمانلرده ایسه ذبح ایله قربان آرتق بربرینک عینی شیلر اولمادینی ایچون، منسکک تکینک برکله سی اولق اوزره Zébah تسمیه ایتک معین و صریح دکدر. SheIamim کله سی مؤخر ادبیانده دها زیاده استعمال ایدیلکه باشلامی بوندن دولای در.

اوجنجی باب، ۱۴]، «... وشمعدی افندم ملک بوقولنک سوزلرینی دیکلیه-سون . اکر سنی علیهمه رب تحریک ایتدیسه بر قوربان قبول ایله-سون . اما اکر بنی آدم ایسه لر آنلر ربک حضورنده ملعون اولسونلر . ریرا کیت اجنبی اللهلره عبادت ایله دیرک بنی بوکون ربک میراننده حصه دار اولماغایم ایچون طرد ایدیورلر » (برنجی ملوک، یکرمی آلتنجی باب، ۱۹)، «ربک حضورینه نه ایله واریم، الله متعالک حضورنده نصل سیجده قیلایم ؟ آنک حضورینه محرقه لر می، بر سینه لک بوزاغیلر ایله می واریم ؟ رب بیکارجه قوجلردن، اون بیکارجه زیتون یاغی ایرماقلرتدن خشنود اولور می ؟ عصیانم ایچون ایلک اوغلمی، جانمک کنهای ایچون صلبمک نمره سنی می ویره می ؟ » (میخا، آلتنجی باب، ۶، ۷) . کفارتی قربانلر منحصراً دکلسه عمومیتی اعتباریله هم یاقه وهدم رهبانک استهلاکنه ترک ایدیلن حیوانی قربانلردن عبارتدر . اساساً کفارت قربانلربنک وصف متمازی قباحتی مادی بر تعویض ایله تضمین یاخود مقدمی تجزیه در: « داوود اوراده ربه بر مذبح بنا ایدوب محرقه لر و-سلامت قربانلری تقدیم ایلدی ورب دیار ایچون اولان نیازی قبول ایتمکه طاعون اسرائیل یوزندن دفع اولدی » [۲، ملوک، اون دردنجی باب، ۲۵]، « ضیافت کونلربنک دوری خنامنده ایوب آنلری جلب ایدوب تقدیس ایدر و صبا حلاین قالقوب جمله سنک عددینه کوره محرقه لر تقدیم ایلردی . زیرا ایوب اولاییلیرکه اوغلارم کنه ایدوب قبلرندنه الله کفر ایتشلردر دیر ایدی . ایوب دوام اوزره بویه یاباردی » [ایوب، برنجی باب، ۵]

هرنه قدر قدیم اولسه ده یاقه قربانی،ینه اسکی زمانلرده قربانک عمومی بر شکلی دکلدر: یاقه قربانی چوق مستقناً اسبابه مبنی یالکیز بویوک و عمومی یابراملرده و « ذباحیم » ایله برابر تقدیم ایدیلدی . عبراتی استقلالنه نهایت ویره ن فلاکتلی کونلرده ملتی علیهنه دونمش کورینان الوهیتک لطف و توجهنی تکرار ملتنه جلب ایتک ایچون عبرانیلر « فوق العاده دینی واسطه لر تحریسنه مجبور اولدقلری زمان، کفارت آینلری ومظنن یاقه قربانلری، نظرلرده ده ا زیاده رغبت قازاندی . محلی عبادته مخصوص تبه الغا ایدلدکن صوکر ا قربانک اک عمومی شکلربنک انحطاطنه تماماً معکوس اولارق دینده بویکی نفوذ، ده ا زیاده وضوحله یوکسلدی . هر محلی جماعتک عبادته مخصوص بر تبه سی بولندی زمانده ساده جه یینمک ایچون کسین هر حیوانک مذبحده تقدیم ایدیله سی ایجاب ایدیور، وهر اتلی مک، قربانی بر ماهیت اکتساب ایدیوردی : «... ربه شراب تقدیم ایتیه جکلر

واکا مقبول اولمایه جقلر ، قربانلری آنلره ماتم طوتانلرك اككى كى اولاجق آنى هر يهن ناپاك اولاجق . زيرا آنلرك اككى كندیلری ایچوندرو . بیت الربه کیرمیه جکدر » [هوشع ، طموزنجی باب ، ۴] . محلی حریم الاحرام دوام ایتدیكى مدتیجه ، اتیه نیامسی یالکیز بایرام و تعطیل کونلرینه منحصر اولدینى و معتاداً اتمك ، میوه و سوت ایله تعیش ایدلدىكى زمانلرده یوقاریده بحث ایتدیكمز قانونه سهولتله مراعات ایدیه بیلمشدى . فقط مذبحه لر قدسدن ماعدا هریرده الغا ایدله کدنصكره بالطبع ذبح ایله قربانك تماماً عین شیلر اولدینى اعتقادى آرتق دوام ایدمه مدی . حیوانك قانى - الوهیتك قدیم حصه سی - یره دوکیلیمك شرطیله تئیه قانوننه نظراً هریرده اهلی حیوانات کسسیلوب سربستهجه یهنیله بیلیدی : « ... ولکن سنك حمله قابول كنده اللهك ربك سكا ویردیكى برکته کوره جانك ایستدیكى هر نه ایسه آنی بوغازلایوب اتیه . آنی ناپاك و طاهر اولان کیمسه حیوان و کیك ینلدىكى كى یسون . آنحق قانى ییه یوب آنی صو كى یره دوکسکیز ، [تئیه ، اون ایکنجی باب ، ۱۶ ، ۱۵] ، « بنی اسرائیلدن یاخود آراکزده مقیم اولان غریبلردن هر کیم بونوع قان ییر ایسه اول آدمك علیه یوزیمی چویروب آنی قومی آراسندن قطع ایدمه جکم . زيرا جسكدك جانی قانده در . بن دخی آنی مذبح اوزرنده حانلریکیز ایچون کفارت اجرا ایتك اوزره سزه ویردم . زيرا جان ایچون کفارت قان در . بواجلدن بنی اسرائیله دیدم که : سزدن بر کیمسه قان یه سون ، آرا کزده مقیم اولان غریب دخی یه سون ، [لاولولر ، اون یدنجی باب ، ۱۰ ، ۱۲] ، قربانك باغیر صاق یاغلری دخی قدیم زمانلردنبری الوهیه مخصوصدر : « ... وکاهنلرك قوم ایله اولان عادتلری بوایدی که : بر آدم ذبحیه عرض ایتدیکنده ات پدشر ایکن کاهنك خدمتکاری آئنده اوچ دیشلی بر چاتال اولارق کلوب قاراوانیه یاخود قازانه ویا تخرمیه ویا قاینار قابه طالديرر ایدی . چاتال هر نه قدر چیقاریر ایسه کاهن کندی ایچون آنی آلدیرر ایدی . شیلوده اسرائیلدن اورایه کلنلرك جمله سنه اويله بابارلر ایدی . هم دخی ایچ یاغی باقیلمازدن اول کاهنك خدمتکاری کلوب ذبح ایدن آدمه کاهن ایچون کبابلق ات ویر سندن قاینامش ات دکل آنحق چیک آلور دیرایدی . اول آدم دخی آکا براق شیمدی ایچ یاغی یاقسونلر صوکره جانك ایسته دیكى قدر آل دیر ایسه اول خیر شیمدی ویر یوقسه زور ایله آلورم دیر ایدی » [۱ ملوک ، ایکنجی باب ، ۳۱ - ۱۶] . بناءً علیه ایچ یاغك اکلدى دخی ممنوعدر : « عصرلریکیزجه حمله مسکنلریکیزده ایچ یاغی وقان یه مه مک سزه ابدی فریضه

اولاجق در ، [لاویلور ، اوچنجی باب ، ۱۷] ، مع هذا بومعنو عبث حیوانك سائر اقسامنده کی یاغلبینه شامل دکلدر . مذبحه ، یالکیز قدسه منحصر قالوب بویکی قانونه اتباع ایدیلدیکنندن اعتباراً ، اتیمه نك اساسی اعتباریله قدس بر عمل بولندینی منسی قالدی . قدسده بویوک بایراملرده تماماً دینی طعاملر ، هر نه قدر دوام ایتدیسه ده بالضرور قربانی طعام اسکی معنا واهمیتی غائب ایتدی . بویله جه یاقه قربانی ایسته نیلیدیکی کبی سربستجه یه نیلن Zébah دن ده ا زیاده مقدس بر ماهیت اکتساب ایتدی . فقط اسکی زمانلرده بوتوقی ذبحده یعنی علی العموم کسمه قربانلرنده ایدی . ذبح یالکیز یاقه قربانلردن ده ا زیاده تقدیم ایدیلن دکل ، عینی زمانده عبرانیلرک بارز دینی افکار و حسیاتلر بلده درونی ارتباطی حازدی . اسکی ادبیاتک بونقطه ده صراحی قطعیدره فی الحقیقه ذبح و minha یعنی حیوانات تقدیمه لر ، دینی بر ضیافت احضاری ایچون کسيلمش قربانلر ، مذبحده تقدیم ایدیلن نباتی تقدیمه لر قدیم عبرانیلرک دینی عمللرینک مجموعه یی تشکیل ایدیورلردی . کفارت و بوتون یاقه قربانلرینی بر طرفه بر اقیسه ق لاویلور منسکینه نظراً عابدلر کده اشتراک ایتدیکی تقدیمه لر ایله ، مذبحده تماماً الوهیته یاخود رهبانك استهلاکینه ترك ایدیلن تقدیمه لر آراسینده کی فرق ، حیوانی و نباتی تقدیمه لر آراسینده کی فرقه تقابل ایدر : مذبحده تقدیم ایدیلن حیوانی قربانلر اوزرینه الی مقدم قویه رک الوهیته تخصیص اتمکله برابر انک بویوک بر قسمی خصوصی قاعده لره تبعاً ینک اوزره عابده عائد اولوردی . فقط عابده عائد اولان بوخصه یالکیز مراسمی صورتده طامری یعنی الوهیته یا قلاشماغه لایق اشخاص طرفندن یه نیله بیلیردی . عینی کونده یاخود بعض احوالده ایکی کون طرفنده یه نیلمه دیکی تقدیرده یا قیلماسی ایجاب ایدردی : « شکر ایچون سلامت ذبحیه سنک اتی تقدیم اولوندینی کونده یه نیلوب آندن صبحاه قدر بر شی برا قیلماسون . اگر ذبح ایتدیکی قربان نذر و یاخود متبرع تقدیمه اولور ایسه ذبحیه سی تقدیم اولوندینی کونده یه نیلوب آرنانی ایرتسی کون یه نیلسون ذبحیه نك آندن اوچنجی کونه قدر قالان آتسه یا قیلاجق در ، [لاویلور ، یدنجی باب ، ... ربه سلامت قربانی ذبح ایتدیکنک زده مقبول اوله جق طرزده ذبح ایدیکنز . ذبح ایله دیککنز کونده و ایرتسی کونده یه نیلسون و اوچنجی کونه قدر قالان آتسه آتیلسون ، (لاویلور ، اون طقوزنجی باب ، ۵-۶) ، ... ربه شکر ذبحیه سی تقدیم ایتدیکنک زده سزک ایچون مقبول اولاجق وجهله تقدیم ایله یکنز . همان اول کونده یه نیلسون ، آندن صبحاه قدر بیراقاییکنز ، (لاویلور ، یکریمی ایکنجی یاب ، ۲۹-۳۰) . بوقانونلرک

استهداف ایتدیکی اساس معنا اتمک علی العاده بر ماده اولمایوب قدسی بر ماهیتی حائر بولونماسیدر : « ... بر آدم البسه سنک اتکیله مقدس ات کوتورر ایسه واتکیله اتمک ویا چوربا ویا یاغ ویا خود بر نوع طعامه طوقونور ایسه او مقدس اولورمی دییه شیمدی کاهنلردن شریعتی سؤال ایله دیدی » (حجای ، ایکنجی باب ، ۱۲) ، مقایسه ایدیکیز : « ... بونک ایچون اسرائیلک الاهی رب الجنود بویه بویورور : سوکیلی مک بنم خانمده نه حصه سی وار . مادامکه چوقلر ایله فجور ایشله مشدر . مقدس ات دخی قالدیر یلاجق زیرا سن کوتولکله مسرور اولورسن » (ارمیا ، اون برنجی باب ، ۱۵) .

عابدلر حریم الاحرامدن طاغیلمادن اول اکمال ایدیلجهک عبادتک بر قسمی ده بیک فعلی در . اساساً قدیم قربانی ضیافتلر یالکیز بر کون یاخود ایکی کون دوام ایدردی : « قزلر دخی آنلره جواباً بوراده در . وایشته اوککیزده در . شیمدی چابوق کیت . زیرا بوکون شهره کلدی . چونکه قومک بوکون مرتفعه ده ذبحیه سی وار . شهره کیردیککیز کبی طعام اتمک ایچون مرتفعه یه چیقمازدن اول آتی بولورسکیز . چونکه اوکله نجه قوم طعام اتمیز . زیرا قربان اوزرینه او برکت او قور آندن سوکره دعوتیلر طعام ایدر » (۱ ملوک ، یکرمی برنجی باب ، ۱۲ - ۱۴) ، « ... صاموئیل ساوله جواباً غیبی کورن بنم ، اوکیجه مرتفعه چیق . زیرا بوکون بنم ایله طعام ایده جکسکیز و صبا حلاین سنی صالیویروب قلبنده بولونانک کافه سنی سکا خبر ویررم » (۱ ملوک ، طقوزنجی باب ، ۱۹) ، « ... فقط ساول اول کون برشی سویله مدی . آکا برشی واقع اولمش طاهر دکدر . مطلقاً غیر طاهر در دیدی وایرتسی کون آیک ایکنجی سنده داوودک یری بوش قالغه ساول اوغلی یونانانه بسانک اوغلی نیچون هم دون همده بوکون طعامه کله دی دیدی » (۱ ملوک ، یکرمنجی باب ، ۲۶ - ۲۷) .

بالعکس آیینک اساس معناسی ، بر قسمی « الوهیه عائد ، اولق اوزره مذبحیه وضع اولونان عینی مقدس اتمک عابدلر طرفندن یه نهرک الله ایله عابدلر آراسنده حصوله کلن اشتراکده در . فقط بوتشارک ، Minha ده موجود دکدر : زیرا عابد الوهیه تقدیمه سنی ویرر ویرمن عبادتده کی حصه سی نهایت بولمشدر . الوهیتله عابدلری آراسنده ذبح ، بر اشتراک که تحول ایتدیکی حالد Minha - اسمندن دخی آکلاشلدینی وجهله - ساده جه بر ویرکیدن غارتدر :

لا یولور قانوننده تصریح ایدیلن بو فرق حبوبات قربانلرینک بوتون احوالنده ،

تبعیددن اولده رعایت ایدیلوب ایدیلهدیگی مسئلهسی بوموضوعدن خارج عدایدیورم . مع هذا بوكا رعایت ایدیلهدمش اولدینی محتملدر : زیرا اسکی دینلرك اكرتیسندده حیوانات تقدیمه لری بعض احوالده حیوانی قربانلر یرینه قائم اولیور . بویلهجه ایکی نوع تقدیمه لر آردسندده کی فرق بو طرزده تدریجاً زائل اولیوردی . [۱]

لاویلورلر منسکیندن دخی آکلاشیلاجنی وجهله ، بویله ماده لرده رهبانی عنعنیه بویوک بر اهمیت عطف ایدیلشدر . اساساً رهبان تصویر ایتدیگمز شکلهده بویکی قربان آراسنده برفرق احداث ایتمش اولمالرینه احتمال ویرمه دیکمز کی ، فضله اولارق واقعہ نقطه نظرندن بویله تفریقده بولونما دقلرینه دائر کافی اثبات موجوددر . زیرا اسکی زمانلرده minha نك باشلیجه منبى ، ایلک محصول تقدیمه سی یعنی اسکی قانونلرده تصویر ایدیلن یکانه ذخیره تقدیمه سی تشکیل ایدن ارضک سنوی حاصلاتندن کوچوک فقط منتخب بر قسمدر : « ... ذخیره ایله شیره لرك ترفنده لرینك تقدیمی جیکدیر میه سین ، اوغلارینك ایلک طوغمشلرینی بکا ویره سین ، (خروج ، یکرمی ایکنجی باب ، ۲۹) ، « ... طوبراغك ایلک ترفنده لرینی اللهك ربك بیتنه کوتورده سین ، (خروج ، اون بدنجی باب ، ۱۹) ، « ... طوبراغك ایلک ترفنده لرینی اللهك ربك بیتنه کوتورده سین ، (خروج ، اوتوز دردنجی باب ، ۲۶) .

ایلک محصوللر حریم الاحرامده تسلیم ایدیلن بر ویرکیدر . کویلیر بو ویرکیلرینی سبت ایچنده کتیروب مذبحیه قویارلردی : « ... واللهك ربك سکا میراث اولق اوزره ویردیکی دیاره کیروب آنی نملک واقامت ایتدیکنده ، اللهك ربك سکا ویردیکی دیارندن طولادیفك طوبراق محصولانك جمله ترفنده لرندن آلوب بر سبتیه قویارق اللهك ربك کندی اسمی اسکان ایچون انتخاب ایدهدی محله کیده سین . اول کونلرده بولونان کاهنك یانسه کیدوب بن بو کون اللهك ربه اعتراف ایدرمک ربك بزه ویرمک ایچون اجداد منزه یمین ایتدیکی دیاره کلدیم دییه سین . کاهن دخی سبتی سنك ائندن آلوب اللهك ربك مذبحی اوگنه قوسون ، (تینه ، یکرمی دردنجی باب ، ۱ - ۵) ، « ... ویزی بو محله کوتوروب بزه بودیاری سوت وبال آقان دیاری ویردی . ایشته یارب بکا ویردیكك طوبراغك

[۱] روماده علی الاکثر بلومی یاخود خامور تقدیمه سی ، حیوانی قربانلر مقامنه قائم اولوردی . عینی شی آتیه دهده واقعدر . قارتاجه ترفه لرند زébah کله سی حیوانات تقدیمه لری خصوصندده استعمال ایدیلشدر .

محصولاتنک ترفنده سی کوتوردیم دیه سین و آنی الهک ربک حضورینه قویوب الهک ربک حضورنده سجده قیلا سین » (تئینه ، یکر می آلتنجی باب ، ۹ - ۱۱) . بویه تقدمه لر مذبحده یاقیلما دینی کی بونلر ره بانک خدمته مقابل بر مکافات اواق اوزره دکل ، فقط حریم الاحرامک اهل بیقی اولدقلرندن دولای ره بانه تخصیص ایدیشدی ، « ... رب موسی به خطاباً دیدی که : بنی اسرائیل سو یله که سزه ویره جکی دیاره کیروب محصولی یچدی که کزده محصوللر کزدن ترفنده اولارق بردمت کاهنه کوتورده سکز » (لایولر ، یکر می اوچنجی باب ، ۹ - ۱۰) ، « ... وقومدن یعنی صغیر یا خود قویون ذبح ایدنلر طرفندن کاهنلرک حتی بودر : کاهنه قوی ، جکرلری واشکنه بی ویرسونلر ، بوغدا ی شراب و ترفنده لرینی و قویونلرک ایلک یا باغیسی آکا ویردین ، زیر کک کن دیسی و کک اوغلاری دائماً ربک اسمنده خدمت ایچون طور مق اوزره الهک جمله سبطلرک آراسندن آنی اتخاب ایلدی » (تئینه ، اون سکزنجی باب ، ۳ - ۵) ، « ... لکن عرفتله لر کاهنلری اورشلیمه اولان ربک حضورینه چیقما یوب برادرلری آراسنده مایه سز پیده لر بیرلر ایدی » (۴ ملوک ، یکر می ایکسجی باب ، ۲۹) . بو ویرکوی الوهیه تسلیم ایتمه نک دیکر بر طرزی ، بعضاً بونلری الله آدم لرینه ویرمکدر : « ... ویر آدم بعل شالیشان کلوب الله آدمه ترفنده لردن اتمک یعنی یکر می عدد آریا اتمکی و طور با ایله تازه باشاقلر کوتوردی » (۴ ملوک ، دردنجی باب ، ۴۲) . « ... مینا » ، لایولر شریعتنده دخی تماماً پایاسلره عائددر : « ... ره تقدیم ایده جکی ذبحیه سنک قانونی شودر : هر یاغلی یوغورولمش و قوری اتمک تقدمه سی بنی هارونک جمله سنه مساوات اوزره تقدیم اولونه جقدر . اکر آنی شکر ایچون تقدیم ایدرایسه اوزمان شکر ذبحیه سی ایله برابر یاغلی یوغورولمش مایاسز پیده لر و یاغ سورولمش مایاسز بو قه لر و خاص اوندن مخلوط یاغلی یوغورولمش پیده لر تقدیم ایتسدن ، شکر ایچون اولان سلامت ذبحیه سی پیده لرندن ماعدا مایالی اتمک تقدمه سی دخی تقدیم ایله سون ، آندن و جمله تقدمه لرندن برر دانه ره دفعیه اولق اوزره تقدیم ایله سون . بوسلامت قربانلرینک قانتی سرین کاهنک اولاجق در . » (لایولر ، یدننجی باب ، ۹ - ۱۴) . بوراده جلب دقت ایدیلی لازم اولان جهت ، ره بانک عابدلردن ویرکی اولارق آلدقلری شیک ، الوهیت طرفندن ره بانه ویرلش اولماسیدر .

دیگر بر جوق زراعی ملترلده اولدینی کی عبرانیلرده ده ایلک محصول تقدمه سی ، یکی

محصولک ویرکوسنی الوهیت استیفا ایدنجه یه قدر بو محصولک استهلاکی غیرم شروع اولدیفی فکری ایله مناسبتداردر : «... والله کیزه قربان کتوره جکز اول کونه قدر اتمک یا قاورولمش بغدادی یا تازره باشاقلر ییمه سکیز ، عصرلر کزجه مسکنلریکیزک جمله سنده ابدی فریضه اولاجق در » (لایلولر ، یکریمی اوچنچی باب ، ۱۴) . حصادی تقدیس دکل فقط مشروع برغدا قیلان ایشته بوتقدمه در . فی الحقیقه مذبحده تقدیم ایدیلن کوچوک بر حصه دن ماعدا بو محصولدن هیچ برشی مقدس دکلدرد . تقدیم ایدیلن قسمک متباقیسی علی الاطلاق طاهر و غیرطاهر هرکسی بوتون برسنه طرفنده سربستهجه ییه بیلیرلر . بناء علیه بو حیوانی قربانلر تقدیمندن تماماً باشقه برماهیق حائردر . زیرا بوصوک تقدیرده قدسیت اتمک تاممنه شاملدر : بواتی یالکیز طاهر اولانلر ییه بیلیرلر : «... ربه شراب تقدیم ایتیه جکلر و آکا مقبول اولمايه جکلر ، قربانلری آنلره ماتم طوتانلرک اتمکی کبی اولاجق ، آنی هر ییه ناپاک اولاجق ، زیرا آنلرک اتمکی کندیلری ایچوندرد . بیعت الربیه کیرمیه جکلر در » (هوشع ، طقوزنجی باب ، ۴)

قدیم اسرائیلده ، هر ذبحک قربان اولدیفی [۱] و هیچ بر کیسه نك دینی بر حرکتسز صغیر وقویون ییه میه جکفی مقدما عرض ایتشدک . فقط ذخیره ایچون بویله مقدس اشتراکلر یوقدر . الوهیت ایلك محصولدن ویرکی آلیر آلاماز عائلوی بوتون ذخیره عمومی اولور . بناء علیه حبوبات ایله حیوانی غذالر آراسنده کی فرق صراحتاً تبارز ایدر . ذیحلر ایله برابر یمک اوزره حریم الاحرامه کتیریلن اتمک ، مقدسات کبی عینی دینی معنایی حائر دکلدرد . مع هذا مایالی اتمکدن بر قسمک قربانی اتله برابر مذبحیه وضع ایدیلشی شمالی اسرائیلده معتاد اولدیفی بروجه آتی فقره دن اوکره نیورز : «... وشکر قربانی مایالی اولارق تقدیم ایدیکیز » [عاموس ، دردنجی باب ، ۵] بوده اساساً طبیعی در : زیرا عابدک اولدینی کبی الوهیتکده قربانی یمکدن حصه سی نیچون عینی شیلری محتوی اولماسون ؟ . فقط بو فقره عابدک کندیشی ایچون آلیقویدینی حصه سی دخی تقدیس ایتدیکنی بیلدیرمه یور . کتاب [مقدسده او قودیمیز یکانه مقدس اتمک ، تقدیم ایدنه دکل ، پاپاسلره عائد اولان اتمکدر : «... کاهن ایسه داووده جواب ووروب یانمده عادی اتمک یوقدر . یالکیز مقدس اتمک واردر » [۱ ملوک ، یکریمی برنجی باب ، ۴] . فقط بوراده عمومی اتمک مذبحیه وضع اولنه جق یرده رهبانه ویرلاشدر : «... اگر آنی شکر ایچون تقدیم ایدر ایسه اوزمان

[۱] قدیم عربستاندهده بویله در . وهلهاوزن ؛ سالفاکر اثر ، ۱۱۴

شکر ذبحیه سی ایله برابر یاغله یوغورولمس مایه سز پیده لر و یا یاغ سورولمش مایا سز یوققه لر و خاص اوندن مخلوط یاغله یوغورولمش پیده لر تقدیم ایتسون . بوسلامت قربانلرینک قاننی سرپه ن کاهنک اولاجق در » [لاویلور، یدنجی باب ، ۱۲ - ۱۴] ، « ... و خاص اوندن یاغله یوغورولمش فطیر پیده لر و یاغله یاغلاشمش فطیر یوققه لر و آنلرک اتمک و مشروبات تقدیمه لرینی بر سپتده کوتوروب کاهن آنلری ربک حضورینه تقدیم ایده جک و آنک کنه قربانی و محرقه سنی عرض ایله جکدر . وقومی فطیرک سبتله ربه سلامت قربانی اولق اوزره تقدیم ایده جک کاهن آنک تقدیمه سی ایله مشروبات تقدیمه سنی تقدیم ایله جکدر . و کاهن آنلری ربک حضورنده صالامه تقدیمه سی اولق اوزره تقدیم ایده جک . بونلر صالامه دوشنی و رفیعیه بودی ایله کاهن ایچون مقدسدر . بوندن صوگره نذیر شرابی ایچم بیلیر . » [اعداد ، آلتنجی باب ، ۱۵ - ۱۸ ، ۲۰] . فقط بو ذخیره دن کمال اهمیتله تفریق و تمیز ایدیلشدر : اسکی زمانلرده پاپاسلرک بو نوعدن عواذی یوقدی . یالکیز ایلاک محصولات ایله قربانی اتدن بر پارچه ایسته مک حققری ایدی : « ... و قومدن یعنی صغیر یاخود قویون ذبح ایدنلر طرفندن کاهنلرک حق بودر : کاهنه قوی ، جکرلری و اشکنبه نی و برسونلر ، بوغدا ی ، شرابی و یاغک ترفنده لرینی و قویونلرک ایلاک یا یاغیسنی آکا ویره سین » [اون یدنجی باب ، ۳ - ۴] ، « ... و کاهنلرک قوم ایله اولان عادتلیر بو ایدی که : بر آدم ذبحیه عرض ایتدیکندن ات پیشیریر ایکن کاهنک خدمتکاری برالنده اوچ دیشلی برچاتال اوله رق کلوب قاراوانایه یاخود قازانه یا تجربه یه یا قینار قابه دالیریر ایدی . چاتال هر نه چیقاریرسه کاهن کندی ایچون آنی اولوردی . شیلوده اسرا نیلدن اورایه کلنلرک جمله سنه اوله یاپارلردی » [۱ ملوک ، ایکنجی باب ، ۱۳ و متعاقبلی] یوقاریکی فقره لردن ذبح ایله برابر ات تقدیمک قطعاً ابتدائی بر حال اولمادیغنی آکلایورز : فی الحقیقه « عاموس » بونی یهودی عملنه مانوس اولمادیغنی افهام ایدن بر حیرتله ذکر ایدیور . اساساً قربانی یمکدر هر حادثه ده یالکیز اتمکدن عبارت اولماز . دینی بر ضیافتک بالضرور کسین بر قربانی استلزام ایتدیکنی اثبات و تأیید خصوصنده بوتون قدیم تاریخدن استفاده ایده بیلیرز . [۱]

صلحی عمر

[۱] ذخیره تقدیمه لرله قربانی ضیافت آراسنده کی یوقاریده بحث ایتدیکمز قرق ، سامیلرده دینی ماهیتی حائز اولمادیغنی حالدیه روماده ، اللهلرک اهل بیتیه بر مقدار تقدیم اتمکله تقدیس ایدیلن

کچن نسخه ده کی مقاله مزك اوتوز طقوزنجی صحیفه سی برنومرولی نوطنه ذیلدر :
 مقاله نك انتشارندن سوکرا محترم مدرس شرف الدین بك افندی اسلامیتده کوپکک
 موقعی حقنده کی نقطه نظر منی تأیید ایدن بر حدیثدن بزی خبردار ایتک لطفنده
 بولندیلر . بوحديثك عیناً ترجمه سی تقدیم ایدیورز : « نماز قیلیم ایستین بر کیمسه ،
 اوکنه بر ستره وضع ایدر . بویله یامادینی تقدیرده قالدین ، مرکب ، قارا کوپک . الخ کبی
 شیلرک اوکندن مروری ادای صلاته مانع تشکیل ایدر . قر منی ، صاری کوپک یاننده
 قارا کوپکک موضوع بحث اولاجق نه قباحتی اولدیغنی ابو ذردن صوردم . جواباً اوت
 قارداشم سنك صورديغك کبی بن ده حضرت محمددن صورمشمدم : جواباً قارا کوپک
 شیطاندر دیدی »
 مسلم : ایکنجی جلد ، ص ۵۹

ع . ع



حائلی یمکار خصوصنده ده بعض تعدیلات ایله برابر یونانیلر و رومالیلر ایچونده موجود کورونیور :
 مع هذا بونک رسمی دین ایله هیچ برمناسیتی یوقدر : رسمی دین قربانسر مقدس بریمک وجود
 اولامیه جفنی التزام ایتدیکندن مقدس Aparcho تماماً حریم الاحرامه تسلیم ایدیشدر . بوخصوصده کی
 مطالباتمن ، بعض استثنای ایله برابر دیگر برچوق ملنلر ایچونده طوغریدر . فره یزر ، حقیق قربانی
 برضیافتک ایلک برنج محصولی ایله یاییلیدیغنی و بو ضیافته « برنج روحنی یمه » تسمیه ایدلیدیکی
 کوسترن برواقه بی Wilken دن نقل ایدیور . بو حالده برنج ذی حیات بر مخلوق اولارق تلقی ایدلمشدر .
 بوکی احوالده برنجک حقیقتاً جانی بر قربان تلقی ایدیله بیله جکی ادعای غیر معقول دکلدور . بالعکس
 زراعی دینلرک علی الاکثر راعی عبادتله عائد افکاردن استفاده واستماره ایتش اولدقلری معلومدر .

اعتذار :

کچن نسخه ده کی مقاله نك طبع تصحیح لری انساننده آنقره ده بولندیغم ایچون مع الاسف مصحح یا کشلقلریله انتشار ایتمشدره باشلیجه لرینی بوجه آتی تصحیح ایدره . وقار نلرمزدن عفو دیلرز :

یکرمی سکزنجی صحیفه ده کی رفه رانس :

E. B. Tylor primitive Culture, sacrifice . اولاجق در .

یا کاش	طوغری	صحیفه
Naurs و Mubert	Hubert و Mauss	۲۸
N. j. daolarangé	Lrgrange	۲۸
Cutiss	Curtiss	
Zéboeh	Zébah	
بحرانی	بوتون بحرانی اولان یرده « عبرانی »	
قبل التبئید آتی	آینی	

W. R. smith, the old Testament in the jewish church . اولاجق در .

Wade, old Testament History . اولاجق در .

یا کاش	طوغری	صحیفه
Shilan Pèbak	shélem Zébah	۳۱
Oshan	asham	۳۱
Selahim	Zèbahim	۳۲
dea Syrida	dea syria	۳۳
Waob	Wade	۳۸ نوط ۲
Shelem kolil	Shelem kalil	۳۸
Zebat	Zebah	۴۶
nioha	min ha	۴۸